

頻伽大藏經

頻伽大藏經

# 頻伽大藏經第八十八冊目錄

○唐護法沙門法琳別傳

三卷

唐彥琮撰

八八・一

○佛祖統紀

五十四卷

宋志磐撰

八八・二六

第一卷

釋迦牟尼佛本紀一之一(八八・三七)

第二卷

釋迦牟尼佛本紀一之二(八

八・四八)

第三卷

釋迦牟尼佛本紀一之三(八八・五九)

第四卷

釋迦牟尼佛本

紀一之四(八八・九三)

第五卷

西土二十四祖紀二(八八・一〇三)

第六卷

東土

九祖紀三之一(八八・一一七)

第七卷

東土九祖紀三之二(八八・一三三)

第八卷

興道下八祖紀四(八八・一三九)

第九卷

諸祖旁出世家五之一(八八・一四七)

第十卷

諸祖旁出世家五之二(八八・一五九)

第十一卷

諸師列傳六之一(八八・

一七五)

第十二卷

諸師列傳六之二(八八・一八二)

第十三卷

諸師列傳六之三

(八八・一八八)

第十四卷

諸師列傳六之四(八八・一九四)

第十五卷

諸師列傳

六之五(八八・二〇二)

第十六卷

諸師列傳六之六(八八・二一三)

第十七卷

諸

師列傳六之七(八八・二二一)

第十八卷

諸師列傳六之八(八八・二二六)

第十九

卷 諸師列傳六之九(八八・二三一)

第二十卷

諸師列傳六之十(八八・二三二)

第二十一卷

諸師雜傳七(八八・二三二)

第二十二卷

未詳承嗣傳八(八八・二三

八)

第二十三卷

歷代傳教表九(八八・二四三)

第二十四卷

佛祖世繫表十(八八

・二五一)

第二十五卷

山家教典志十一(八八・二七二)

第二十六卷

淨土立教

志十二之一(八八・二八〇)

第二十七卷

淨土立教志十二之二(八八・二九九)

第

二十八卷 淨土立教志十二之三(八八・三一九) 第二十九卷 諸宗立教志十三(八八・三三四) 第三十卷 三世出興志十四(八八・三四七) 第三十一卷 世界名體志十五之一(八八・三五六) 第三十二卷 世界名體志十五之二(八八・三八一) 第三十三卷 法門光顯志十六(八八・四〇〇) 第三十四卷 法運通塞志十七之一(八八・四一一) 第三十五卷 法運通塞志十七之二(八八・四二〇) 第三十六卷 法運通塞志十七之三(八八・四二七) 第三十七卷 法運通塞志十七之四(八八・四四六) 第三十八卷 法運通塞志十七之五(八八・四五六) 第三十九卷 法運通塞志十七之六(八八・四六六) 第四十卷 法運通塞志十七之七(八八・四八七) 第四十一卷 法運通塞志十七之八(八八・四九七) 第四十二卷 法運通塞志十七之九(八八・五〇九) 第四十三卷 法運通塞志十七之十(八八・五二五) 第四十四卷 法運通塞志十七之十一(八八・五三九) 第四十五卷 法運通塞志十七之十二(八八・五四七) 第四十六卷 法運通塞志十七之十三(八八・五六二) 第四十七卷 法運通塞志十七之十四(八八・五七一) 第四十八卷 法運通塞志十七之十五(八八・五八四) 第四十九卷 名文光教志十八之一(八八・五八七) 第五十卷 名文光教志十八之二(八八・五九八) 第五十一卷 歷代會要志十九之一(八八・六一〇) 第五十二卷 歷代會要志十九之二(八八・六二〇) 第五十三卷 歷代會要志十九之三(八八・六二五) 第五十四卷 歷代會要志十九之四(八八・六四二)

# ○佛祖歷代通載

三十六卷 元念常集……………

八八・六五五

卷第一(八八・六五八) 卷第二(八八・六六九) 卷第三(八八・六八一) 卷第四

(八八・六九四) 卷第五(八八・七〇八) 卷第六(八八・七二四) 卷第七(八八・  
七四二) 卷第八(八八・七五七) 卷第九(八八・七七六) 卷第十(八八・七九四)

琳法師別傳序

隴西處士李懷琳撰

詳夫太極元氣之初三光尚匿木皇水帝之後八卦爰興是知仁義漸開假龍圖而起字道德云廢因鳥迹以成書所以左史記言夏商僭於諧誓右史記事唐虞流於典謨暨乃史遷綴史記之文班固嗣班彪之作英雄高士耆舊逸人傳記之興其來尚矣況乎法雲佛日無去無來妙有真空離生離滅雖復至理凝湛而事迹應權所以誕相西陲周王囑五光之彩流兆東夏漢帝夢丈六之容於是慷慨摩騰應群機而入洛仰揚僧會體大道以遊吳代有其人英雄間發爰有襄陽釋法琳者紹述四依應生五濁總八藏於襟腑包九流於胃臆維絕紐之將馳駕龍樹之前徽正頹綱之已紊嗣馬鳴之餘烈至若直言不諱等折檻於朱雲有犯無隱邁耆衣於王象觸龍鱗而不移其志諒疾風之勁草焉冒嚴刑而不改其節寧季葉之忠臣也然其文言博雅秦懸一字無以方事理弘敷獨掛千金未足比嗟乎儒釋君子鮮味斯道信哉曲高和寡幾將湮滅者歟爰有弘福寺琮上人者稟氣星辰體道乘羊之歲資靈海岳育德撫象之年志等澄蘭誓摧邪而納虛器均安遠弘正教以爲心至若持線金章貫花玉牒妙窮宗致曲盡幽微然而聽覽之餘遊情子史綜括黃老包吞儒墨每以琳公雅作分散者多詢諸耆舊勒成卷軸分爲上中下目之爲別傳理致周備諸撫無遺刪補有則抑亦僧中之良史也然而記詞記事班馬擬以多慙直筆直言陳范方之有愧始驗琳公之草創唯著美於一時上人之潤色乃規模於萬葉弟子狄道李懷琳與琮上人志叶金蘭義符膠漆雖縑素有隔而嚙味頗同爰因頂謁遇觀寶聚輒申狂簡爲之序引云爾

唐護法沙門法琳別傳卷上

京弘福寺沙門彥琮撰

法師諱法琳俗姓陳氏潁川郡人仲弓之後也遠祖隨宦徙寓襄陽幼齒抽簪情敦博物遂乃金陵楚郢負裘問津孔肆釋筵橫經訪道於是該九部洞百家究金言殫玉牒每而歎曰爲大丈夫不能立正摧邪綱維至理豈直遠慙龍樹

抑亦遙媿馬鳴。未若隱遯巖阿。栖心丘壑。遂以隋開皇十四年夏五月。隱於青溪山鬼谷洞焉。閱覽玄儒。寸陰無弃。迺構巖廬。則蔽虧於日月。空飛戶。則吐納於風雲。因撰青溪山記。可入千餘言。理趣鏗鏘。文詞婉麗。見傳于代。故闕錄焉。然法師韞德潛形。訥言敏行。誓維頽紐。觀化上京。是歲仁壽元年春三月也。於是背楚塞。涉秦川。步三陽。遊八水。每以李門仙術。淩落虛陳。服皂披緇。尋何能究委。因以義寧初歲。假衣黃巾。冀罄宗源。從其居館。然法師素閑莊老。談吐清奇。而道士等競契金蘭。慕巾膠漆。故使三清秘典。洞鑒玄津。九府幽微。窮諸要道。遂得葛安張虛之旨。韞韞襟懷。李氏奉釋之謨。記諸心目。武德年。首還莅釋宗。脩踐法筵。周遊講肆。意以神州帝壤。易可箴規。因住濟法道場。栖心定慧。後四年秋九月。有前道士太史令傅弈。先是黃巾黨其所習。遂上廢佛法事。十有一條。大畧云。釋經誕妄。言妖事。隱損國破家。未聞益世。請胡佛邪教。還天竺。凡是沙門。放歸桑梓。則我家國昭泰。李孔之教行焉。高祖納奔。獻書乃下詔問諸沙門曰。棄父母之鬚髮。去君臣之華服。利在何門之中。益在何情之內。損益二宜。請動妙釋。而法師伏檻既久。思騁長衢。幸承斯詔。問遂陳對曰。琳聞至道絕言。豈九流能辯法身。無像非十翼所詮。但以四趣茫茫。漂淪欲海。三界蠢蠢。顛墜邪山。諸子迷以自焚。凡夫溺而不出。大聖爲之興世。至人所以降靈。遂開解脫之門。示以安隱之路。於是刹利王種。辭恩愛而出家。天竺貴族。捨榮華而入道。是以慈達太子。去覓龍之衣。就福田之服。誓出二種生死。志求一妙涅槃。弘道以報四恩。育德以資三有。此其利益也。案佛本行經。剃髮出家。品偈云。

假使恩愛久共處。時至命盡會別離。見此無常須臾間。是故我今求解脫。

於是慕其德者。斷惡以立身。欽其風者。潔己而修善。故毀形以成其志。故棄鬚髮美容。變俗以會其道。故捨君臣華服。雖形闕奉親。而內懷其孝。禮乖事主。而心踐其恩。澤被怨親。以成大順。福霑幽顯。豈拘小達上智之人。依佛語故爲益。下凡之類。虧聖教。故爲損。然懲惡則濫者自新。進善則通人感化。伏惟陛下。至德含弘。仁心鞠育。爰復降情。正法留意。出家廣布慈雲。重興佛日。利益之道。難得而稱。此則大唐帝業。慈被百靈。聖種鴻基。惠流千祀。不敢輒以愚昧。輕測天心。謹課庸辭。畧中管見。塵黷御覽。伏深戰越。時高祖覽法師對。竟亦無辭。法師頻詣闕庭。不蒙臧否。但傅氏所陳之事。高祖未遣頒行。奕乃公然宣布遐邇。禿丁之謂閭里盛傳。胡鬼之諸昌言酒席。致使明明佛日。曙以虧光。濟濟法流。壅

之無潤。于時達鑒君子。揮翰者彌多。契理名僧。動毫者非一。總持道場。釋普應者。戒行精苦。博物不群。屬莽狂言。因製破邪論二卷。又前扶溝令李師政者。歸心佛理。篤意玄宗。義忿在懷。又撰內德正邪二論。莫不僉疏佛教。委指業緣。競引梵言。曲垂邪正。而法師咸詢作者。備覽諸文。情用不安。謂衆人曰。經教奔之所廢。豈得引廢證成。雖欲破邪歸正。未遣邪原。今案孔老二教師敬佛文。就彼宗承。斥其虛謬。衆人皆以爲然。法師因著破邪論一卷。可八千餘言。理會宮商文譜鍾律。傳之耳目。故此闕書。但法師筆削清奇。冠乎群品。遂使朝賢貴士。咸誦在心。遁世名儒。家藏一本。實可謂詞峯峻峙。理海宏深。爲廣海之舟航。作大夜之燈炬。法師以論軸初製。道俗無聞。若不廣露其情。何以革茲輿俗。因以五年春正月。啟上儲后云。緬尋三元五運之肇。天皇人帝之興。龜圖鳥筮之文。金版丹簡之典。六衡九光之度。百家萬卷之書。莫不遵人倫信義之風。述勗華周孔之教。統其要也。未達生死之源。詳其理也。不出有無之域。豈若五分法身三明種智。湛然常樂。何變何遷。邈矣眞如。非生非滅。而能道資萬有。慈被百靈。啓解脫彼岸之津。開究竟無爲之府。拔群生於苦海之外。救諸子於火宅之中。但以化隔慈河。千有餘載。教流漢土。六百許年。龕塔相望。神人接踵。所以道安登秦帝之輦。僧會上吳主之車。高座法師。能敷八正浮圖。和上巧說五乘法。洽九州福霑。三世其爲利物。此之謂歟。有隋禰運戎馬。生郊火起。四兇毒流。百姓慧燈。旣隱。法雨將收。賴我大唐。上應軋心。下協黎願。補天以麗三象。紐地以安五嶽。生民蒙再造之恩。釋門荷中興之賜。方欲六茲五帝。四彼三皇。返淳朴之風行。無爲之化竊見。傳奕所上。誹毀之事。在司旣未施行。奕乃公然遠近流布。人間酒席。競爲戲談。有累清風。寔穢華俗。長物邪見。損國福田。理不可也。伏惟殿下。往藉三歸。久資十善。赴蒼生之望。應大寶之期。道叶隆平。德光副后。發荐雷之響。則塾戶俱開。啓明離之暉。則幽衢並鏡。赫矣美矣。難得名矣。固以漢光重世。周卜永年。復能降意福門。迴情勝境。津梁在念。塹塹爲心。伏願折邪見。幢燃正法炬。像化攸寄。深幸茲乎。不任憤懣。怒焉之志。謹上破邪論一卷。塵黷威嚴。伏增悚息。又文帝龍潛之日。復上啓云。琳聞情切者。其聲必哀。理正者。其言必直。是以窮子念達。其言勞。人願歌其事。何者。竊見大業末年。天下喪亂。二儀慘毒。四海沸騰。波振塵飛。丘焚原燎。五馬絕浮江之路。七童有平壘之歌。燔燼時警。羽檄競馳。關塞多虞。刁斗不息。道消德亂。運盡數窮。轉輸寔繁。頭會箕歛。積屍如莽。流血爲川。人不聊生物。亦勞止。於是控告無所。投骸莫從。百姓苦其倒。



懸萬國因其無主。豈徒法輪絕響。正教陵夷。聖上興弔俗之心。順昊天。之命。爰舉義旗。平定區宇。當時道俗。蒙賴華戎。胥悅。於是叶天地而通八風。測陰陽而調四序。上和邦國。下叙人倫。功蓋補天神。俾立極降雲雨。而生育開日月。而照臨。發之以聲明。紀之以文物。思霑若草。施洽蟲魚。方欲重述九疇。再敷五教。興石渠之學。布庠序之風。遠紹羲軒。近同文景。功業永隆。不知手之舞之。足之蹈之者矣。竊見傳奔所上之事。披覽未遍。五內分崩。尋讀始周。六情破裂。嗚呼邪言惑正。魔辯逼真。猶不足聞諸下愚。況欲上干天聽。但奔職居時要。物望所知。何容不近人情。無辜起惡。然其文言淺陋。事理不詳。辱先王之典。謾傷人倫之風範。何者。夫人不言。言必有中。夫子曰。一言合理。則天下歸之。一事乖常。則妻子背叛。觀奔所上之事。括其大都。窮其始末。乃罔冒闕庭。處多毀辱。聖人甚切如奔此意。本欲因茲自媒。苟求進達。實未能益國利人。直是譏弄朝野。然陛下應天順時。握圖受錄。赴萬國之心。當一人之慶。扶危救世之力。夷兇靜難之功。固以威蓋前王。聲高往帝。爰復存心三寶。留意福田。預是出家之人。莫不咸戴天澤。但由僧等不能遵奉戒行。酬報國恩。無識之徒。非違造罪。致令傳奔陳此惡言。擲踊痛心。投骸無地。然僧尼有罪。甘受極刑。恨奔輕辱聖人。言辭切害。深恐邪見之輩。因此行非。無識之徒。漸生異見。又案春秋云。魯莊公七年夏四月。恒星不見。夜明如日。即佛生時之瑞應也。然佛有真應二身。權實兩智。三明八解。五眼六通。神曰不可思議。法號心行處滅。其道也。運衆聖於泥洹。其力也。接下凡於苦海。自後漢明帝永平十三年。夢見金人已來。像教東流。靈瑞非一。具如漢魏諸史。姚石等書。至如道安道生之輩。圖潛羅什之流。並有高行深解。當世名僧。盡被君王識知。貴勝崇重。自五百餘年已來。寺塔遍於九州。僧尼溢於三輔。並由時君敬信。朝野歸心。像教興行於今不絕者。寔荷人王之力也。然世間君臣父子。猶謂恩澤難酬。昊天不報。況佛是衆生出世慈父。又爲凡聖良醫。欲抑而挫之。罪而辱之。理不可也。仰尋如來智出。有無豈三皇能測。功造化非二儀可方。故列子曰。昔吳大宰嚭問孔丘曰。夫子聖人歟。孔子對曰。丘博識強記。非聖人也。又問三皇聖人歟。對曰。三王善三皇善用智。勇聖亦非丘所知。又問五帝聖人歟。對曰。五帝善用仁。聖亦非丘所知。又問三王聖人歟。對曰。三王善用時。聖亦非丘所知。太宰嚭大駭曰。然則孰爲聖人乎。孔子動容而對曰。丘聞西方有聖者焉。不治而不亂。不言而自信。不化而自行。蕩蕩乎。民無能名焉。若三皇五帝。必是大聖。孔丘豈容隱而不說。便有匿聖之憾。以此較量。推佛爲大。

聖也

案老子西昇經云。吾師化遊天竺。善入泥洹。符子云。老氏之師名釋迦文。直就孔老經書。師敬佛處。文證不少。豈非一人所能謗黷。昔公孫龍著堅白論。罪三皇非五帝。至今讀之人。猶切齒以爲前鑒。良可悲矣。當今主上至聖欽明。方欲放馬休牛。軾閤封墓。興皇王之風。開釋老之化。狂簡之說。尤可焚之。若言帝王無佛。則大治年長。有佛則虐政祚短者。案堯舜獨治不及子孫。夏殷周秦。王政數改。蕭牆之內。逆亂相尋。爾時無佛。何因連短。但琳等預居堯世。日用莫知。在外見傳奕所上之事。恐藩國遠聞。謂華夏無識。夫子曰。言滿天下無口過。行滿天下無怨惡。言之者欲使無罪聞之者足以自誠。傳奕出言不遜。聞者悉驚。有穢國風。特損華俗。謹錄丹款。冒以啓聞。伏惟大王殿下。天挺英靈。自然岐嶷。風神穎越。器局含弘。好善爲樂。邁彼東平。溫易是歡。更方西楚。加以阿衡百揆。或序六條。德旣褰帷。仁兼裂網。開康莊之第。坐荀卿之賓。起脩竹之園。醺文雅之客。莫不詩極緣情。賦窮體物。信可譽形朝野。美冠前英者焉。但琳等內顧闕如。方圓寡用。念傳奕下愚之甚。實媿凡僧禿丁之誚。惡罵之極也。罪莫大焉。自尊盧赫胥已來。天地開闢之後。未有如奔之狂悖者也。不任斷骨痛心之志。謹錄傳奕所上之事。輒述鄙辭。件答如左。塵蹟威嚴。伏增殞絕。謹啟。武德六年五月二日。濟法寺沙門琳等啓。上時皇儲等。因奏法師之論。高祖異焉。故傳氏所陳。因而致寢。釋門再啟。寔賴我皇起子者。商法師有之矣。但傳氏所獻。狂簡思媚。闕庭旣而不愜。所懷陰施。密譖搆扇。黃領穿鑿。異端遂使鼠璞混質。於周邦難鳳。濫形於楚國。玉石相亂。朱紫難分。屢譖釋宗。達于高祖。帝乃從其所議。不任自明。後以武德九年春三月。詔問皇儲曰。朕惟佛教之興。其來自昔。但僧尼入道。本斷俗緣。調課不輸丁役。俱免理應。盡形寺觀。履德居眞。沒命釋門。清身養素。比年沙門乃多有愆過。違犯條章。干煩正術。未能益國利化。翻乃左道。是修佛教。雖有嚴科。違者都無懼犯。以此詳之。似非誠諦。今欲散除形像。廢毀僧尼。輒爾爲之。恐駭凡聽。佇子明言。可乎。不可。皇儲對曰。臣聞三乘啟轍。諸子免火宅之災。八正開元。群生悟無爲之果。是故慈雲降潤。不別艾蘭。慧日流輝。寧分岸谷。且以立教垂範。盡妙窮微。至理深難。情量叵測。雖有周孔儒術。莊老玄風。將欲方茲。迥非倫儷。其有世代賢士。今古明君。咸共遵崇。無乖敬仰。當今時屬僥訛人多。狡猾出家者。未能盡善。入法者。無廢嬌姪。亦有規免賦租。虛稱學道。偷安朝夕。假号桑門。自有威儀。具足志

等明珠戒行不虧心同潔玉今欲並令還俗無別賢愚將恐火縱岷山玉石同燼霜飛奈苑蘭艾俱摧指事爲言恐傷  
皇化今責如來降罰以息奸非但佛性慈悲法門平等無彼無此無我無人絕愛忘憎情同巨海厭之者不生恚想患  
之者不發悲心以此而詳昭然可驗且商均生於舜舍丹朱長自堯宮二子雖復非人猶不虧兩君之聖今忽因愚僧  
之過欲毀尊像之形進退商量理爲未可高祖又問諸群臣曰傳奕每言於朕云佛教無用朕欲從其所議卿等如何  
時左僕射魏國公裴寂進言於高祖曰臣聞昔齊桓公與管仲鮑叔賓戚等飲酒而適桓公謂鮑叔曰爲寡人等祝之  
鮑叔奉酒而祝之曰願我君無忘出於萬願管仲無忘縛於魯願賓戚無忘飯於牛時桓公避席而謝曰寡人與二大  
夫皆無忘夫子之言則齊之社稷必不廢矣此言常思舊也陛下昔創義師志憑三寶云安九五誓啟玄門今陛下六  
合歸仁富有四海欲納奔之狂簡而毀廢佛僧此卽虧陛下之往信彰陛下之今過黎元失望理不可也高祖納皇儲  
等諫因降勅曰寺留三所京置千僧餘並給賜王公僧等放還桑梓嚴勅既下皂白難分不敢忤意而止焉夏五月六  
日高祖脫屣万機文帝攝政時大赦天下還返神居佛日再揚斯爲盛矣又因前傳奔密扇黃巾乃有道士李仲卿劉  
進喜等咸陳管見並作庸文遂著十異九迷及顯正等論貶量佛聖昏冒生靈語越典謨動違經史法師觀其所述傷  
而惑之鬱撰論文目爲辯正詳乎法師用奇博物匪口而成時以文籍缺然因循累稔石僕射蔡國公杜如晦者岐嶷  
天挺器宇宏深與法師志篤江湖相欽味法師仗借墳素致書於杜公曰法琳草衣野客木食山人九類曲鍼誠同  
腐芥不被知於當世分緘口以終身旣德愧內充譽慙外滿非唯孤負慧遠實亦帶累道安是以畢志青溪歸心紫蓋  
覆松巖下永味經書鬼谷池邊長觀魚鳥豈謂忽辭林藪更入囂塵久客秦川俄離楚塞萍流八水葉墜三陽口腹之  
弊已淹仲叔之情何寄臥靈臺而起恨遊白社而興嘆南巢之戀倍增北風之悲逾切居生坎壈稟命適遭空詠七哀  
徒吟九歎撫躬吊影命也如何加以病在膏肓風纏腰裏累年將息未覺有瘳至於照雪聚螢筋力已謝九流七畧難  
甚緣山万卷百家香猶行海前因傅子聊貢斐然仍以未竭邪源今者重修辯正頗爲經書罕備史籍靡充雖罄短懷  
罔知克就仰惟僕射公連籌策之才居阿衡之任知人之鑒遠邁山濤接士之心還方趙武風安爽朗識度含弘旣握  
靈龜之珠爰佩荆山之玉所以彌諸庶績燮理文昌德鏡拾紳譽彰朝野加以門稱筆海世号詞宗不忘宿昔之懷曲

賜憂憐之訪。寒灰更煖。朽本黼榮。昔王粲閱書。取資於蔡氏。相如達賦。必賴於楊雄。意者但是諸子雜書。及晉宋已來。內外文籍。與釋典有相關涉處。悉願披覽。謹以別錄。仰呈特希恩許。輕讀所請。悚息何言。然邪見信心。古來共有。善人惡黨。今日寧無。前以傳子詔言。略呈小論。既蒙上達。復荷褒揚。哉在中心。但知慙德。昔三都賦。未值張華。無人見賞。今破邪論。不逢君子。誰肯爲珍。比者海內諸州。四方道俗。流通抄寫。讚詠成章。迴邪見之心。發愚人之善者。豈非明公之力也。必能利物。薄有冥功。仰用莊嚴。並將迴向耳。杜公時答法師書曰。猥辱芳符。曲垂提拂。嘉言忽降。銘戴增深。仰惟法師。命世挺生。神襟俊逸。器局宏亮。識度清遒。架澄什以照前。邁安遠而光後。晒談灰於漢日。凌辯鼎於秦年。既其內贍。五乘解窮。八藏亦乃外該。百氏識洞。九流加以學盡。莊微詞。彈李奧體。二葛之訛。簡究三張之詭。文慕巢許之穎。陽踵黃綺之商洛。隱紫臺而偃仰。遁青溪以詠歌。蕭散有慧遠之風。放曠參道融之迹。既而情維絕紐。志縉頹綱。乃返步山門。來儀上國。矚傳奔之狂簡。已製破邪。遇劉李之訛言。將修辯正。經云護法菩薩。正應如是。昔聞其語。今見其人。但弟子承乏忝官。實慚籌策。濫蒙抽擢。深媿阿衡。書云筆海詞宗。頓成虛闕耳。況弟子家非汲郡。詎有竹簡之書。室異魯邦。理無蜎蚪之字。人殊兩戴。世別二冠。五體閭然。四部多闕。法師既建覺德之志。嗣提婆之蹤。弟子亦敢獻涓塵以裨嵩壑。謹當詢諸碩德。追訪鴻儒。博探所須。廣尋其要。亦望親承几案。而奉徽猷。閱盛德之遺華。聽長者之餘論。但弟子王事靡暇。遣此代懷。休沐之日。即當馳謁。時法師所闕。杜公給而足焉。法師摺道尋儒。卒乎先志。論成八軸。十有二篇。流詠九州。傳之三軸。可謂文彪理炳。叶律諧鍾。郁郁可觀。洋洋盈耳。諒使大羅玉帝。慍慍金闕之中。九府仙君。震赦四天之上。改群邪之異轍。革衆迷之惑心。況乎左道黃巾。能無傾覆者哉。東宮學士陳子良者。言爲世表。學冠儒林。矚此論文。因爲訓誥。叙之云爾。蓋聞宣尼入夢。十翼之理。克彰伯陽出關。二篇之義。爰著或鈎深繁象。或探賾希夷。名言之所不宜。陰陽之所不測。猶能彌綸天地。苞括鬼神。道無洽於大千。言未超於域內。況乎法身圓寂。妙出有無。至理凝玄。跡泯真俗。體絕三相。累盡七生。無心即心。非色爲色。無心即心。故能心斯心矣。非色爲色。故能色斯色矣。騰蛇於是併空。形名所以俱寂。筌蹄之外。豈可言乎。若乃西伯拘美。遂顯精微。子長蠶室。卒成先志。故易曰。古之作易者。其有憂患乎。論之興焉。良有以矣。法師俗姓陳氏。漢太丘長仲弓之後也。遠祖隨宦遊播遷江左。近因流寓。又處荊州。隋世入關。

從師請業。可謂玉移荆岫。皎潔之光。彌彰桂徒幽林。芬芳之風。更遠法師。應真人之祥。稟黃裳之吉。內該三藏。外綜九流。既善緣情。尤工體物。篇章婉麗。理致遒華。郁郁間繹錦之文。飄飄聳凌雲之氣。班賈金玉。未可同年。藩陸江湖。寧堪方駕。至如莊生墨生之學。黃子老子之書。三清三洞之文。九府九仙之籙。登真隱訣之祕。靈寶度命之儀。吞若胃襟。說猶指掌。加以舊習中觀。少蘊法華。既有聞持比事著述。運思之外。汲引無疲。辯中觀則龍樹可期。談自然則老莊非遠。於是四方雜沓。如歸長者之園。七貴紛綸。若赴華陰之市。固以學侔安遠。才邁肇生。實開士之棟梁。法門之牆壁也。乃有道士李仲卿。劉進喜等。咸陳管見。並作庸文。謗毀正法。在俗人上。或生邪信。法師愍其盲瞽。恐入泥犁。爰發大悲。遂製斯論。可謂鼓茲法海。根彼詞峯。碧雞之銳。競馳黃馬之駿。爭驚莫不葉墜柯摧。雲銷霧卷。狀鴻爐之焚纖羽。猶炎景之鑠輕冰。負勝之儔。於斯可見。暨歸慈定。已破魔軍。聊奮慧刀。即降愚賊。佛日於是重暉。法雲由斯廣被。但法師所作詩賦。啓頌碑誌。章表大乘。教法及破邪論等三十餘卷。在世久傳。然此論文。凡八卷十二篇。二百餘紙。窮釋老之教源。極品藻之名理。修述多年。仍未流布。昔奏孝公。聽說帝而寐。聞談霸而興。陽春和寡。深可悲歎。但法師所述。內外並該。恐好事後。生致有未喻。弟子穎川陳子良者。近申頂禮。從而問津。爛然溢目。若明月之入懷。寂乎應機。譬寶珠之燭物。既悟四衢之幻。便息百城之遊。於是啓所未聞。聊爲註解。庶將來同好。幸詳其致焉。貞觀元年。文帝捨大和宮。奉爲高祖置龍田寺。既而山泉勝美。栖心是寄。而法師雅好美之。乃徙居焉。七年春二月。有太子中舍人辛誥。設難二條。以問紀國寺僧釋慧淨。淨時因著折疑論。以答辛誥。論在續高僧傳。淨時以所著論呈法師。法師答淨書曰。近覽所報。辛中舍人折疑論。詞義包舉。比喻超絕。璀璨眩離朱之目。鏗鏘駭師曠之耳。固以妙盡環中。詞殫辯囿。譬玉衡之齊七政。猶溟海之統百川。煥煥乎魏魏乎。言過視聽之外。理出思議之表。足可以杜諸見之門。開得意之路者也。至如住無所住。兼修之義。在焉。爲無所爲。濟應之功。弘矣。將令守雌。顏厚獨善。觀容乃理。異之顯哉。豈玄同之可得。夫立象以表意。得意則象忘。若忘其所忘。則彼此之情。斯泯。非忘其所忘。則小大之殊。有異是知日月既出。無用燭火之光。時雨既降。何煩浸灌之澤。故云彼此可忘。非無彼此也。故吾去也。因故去而辯無常。新吾來也。藉新來以談緣起。非新非故。重修之義。莫成。無繕無刻。美惡之功。孰著。蓋藉以生滅。破彼斷常之迷。寄以因果。示其中觀之路。斷常見息。則弱喪同歸。中觀

理融則真如自顯。或談業理以明熏習。乍開報分以釋自然。意出言端。旨超文外。報分有在。鳧鶴不亡。其短長業理相因。蟬蜂各任其飛化。可謂於無名相中假名相說。體真會俗。豈不然歟。詳中舍人天挺之才。未若上人盡理之說。子期可慙於喪偶。顏生有媿其坐忘。可以息去取之兩端。泯顛沛之一致。楚既得之。齊亦未爲失也。法師博物不群。智慧無限。當今獨步。即日棟梁。既爲衆所知識。實亦名稱普聞。加以累謁金門。頻登上席。扇玄風於鸛輪。振法鼓於龍樓。七貴挹其波瀾。五師推其神俊。既聳垂天之翼。又縱橫海之鱗。支遯之匹王何寧堪並駕。帛祖之方稽阮未足連衡。用古儔今君有之矣。琳謝病南山。棲心幽谷。非出非處。蕩慮於風雲。無見無聞。寄情於泉石。遇觀名作。實遺煩憂。乍覽瓊章。用祛痼疾。徘徊吟諷。循環卷舒。奉蘊懷袖之中。不覺紙勞字故。畧申片意。謹此白書。遲遇後生。更開未喻。琳不量愚管。輕述鄙懷。敢欲有訓。以麻續線。因著齊物論焉。其詞曰。蒙示辛中舍人二問。詞旨宏贍。理致幽絕。既開義府。特耀文鋒。舉佛性平等之談。引群生各解之說。陳彼此之兩難。歸玄同之一門。非夫契彼環中。孰能爲茲高論。美則美矣。疑且疑焉。何者。尋上皇垂範。始流先覺之名。法王應物。爰標佛陀之号。智慧者蓋分別之小術。般若者乃無知之大宗。分別緣起。所以強稱先覺。無知性寂。於是假謂佛陀。分別既於外。有數無知。亦於內。無心於外。有數分別之見。不忘於內。無心誘引之功。莫匿甚秋毫之方。巨岳踰尺鷁之比。大鵬此不可同年而語矣。莊生云。吾忘其是非。非忘彼此。庸詎然乎。所謂小智不及大智。小年不及大年。唯彭祖之特聞。非衆人之所達也。況三世之理不差。二諦之門可驗。是以聖立因果。凡夫有得聖之期。道稱自然。學者無成道之益。從微至著。憑繕刻而方妍。乘因趣果。賴熏修而始見。彼既知而故問。余亦述而畧答。詳夫一音曾被弱喪。由是同歸。四智廣覃。真如以之自顯也。自顯也者。唯微唯彰。同歸也者。孰來孰去。蓋知隨業受報。二鳥不嫌其短長。因濕致生。兩蟲無擇其飛化。不在待與不待。明即待之。非待矣。請試論之。昔闕澤有言曰。孔老法天。不敢違天。諸天法佛。不敢違佛。至如洪範九疇。承天制用。上方十善。奉佛慈風。若將孔老以匹聖尊。可謂子貢賢於仲尼。跛鼈凌於駿驥。欲觀渤海。返翫涓流。何異蔽目而視毛端。却行而求前路。非所應也。且王道德顯。宰輔之冠。蓋王濛謝尚人倫之羽儀。次則郗超王謐。劉璆謝容等。並江左英彥。七十餘人。皆學綜九流。才映千古。咸言性靈真要。可以持身濟俗者。莫過乎釋氏之教也。至如宋文帝與何尚之等。亦有此談。如其宇內並遵斯要。吾當坐致太平矣。

又云十善暢則人天興。五戒行則鬼畜省。其實濟世之玄範。豈造次而可論乎。中舍人學富才高。文華理峻。奏懸一字。蜀掛千金。法琳徒礪鉛刀。何敢當奇麗也。

唐護法沙門法琳別傳卷上

唐護法沙門法琳別傳卷中

京弘福道場釋彥琮撰

貞觀十一年春正月。帝欲宣暢祖風。遵高本系。爰發明詔。頒告黎元。云。老君垂範。義在於清虛。釋迦貽訓。理存於因果。論其教也。汲引之迹殊途。求其宗也。弘益之風齊致。然則大道之興。肇於遂古。源出無名之始。事高有形之表。邁兩儀而運行。包萬物而亭育。故能經邦致治。返朴還淳。至如佛教之興。基於西域。爰自東漢。方被中華。神變之理。多方報應。之緣。匪一。暨乎近世。崇信滋深。人冀當年之福。家懼來生之禍。由是滯俗者聞玄宗而大笑。好異者望真諦而爭歸。始波涌於閭里。終風靡於朝廷。遂使殊俗之典。鬱爲衆妙之先。諸夏之教。翻居一乘之後。流遞忘返。于茲累代。朕夙夜夤畏。緬惟至道。思革前弊。納諸軌物。況朕之本系。出自柱下。鼎祚克昌。既憑上德之慶。天下大定。亦賴無爲之功。宜有解張闡茲玄化。自今已後。齋供行立。至於講論道士女官。可在僧尼之前。庶敦本系之化。暢於九有。尊祖宗之風。貽諸萬葉。時京邑僧衆咸詣闕庭上表。乃推法師爲表曰。琳年迫桑榆。始逢太平之世。貌侵蒲柳。方值聖明之君。竊聞子見一善必獻。其父臣見一善必獻。其主。臣子於君。父敢不盡心者。焉何者。父有諍子。身不陷於不義。士有諍友。身不離於令名。琳等雖預出家。仍在臣子之列。有犯無隱。敢不陳之。伏見詔書。國家本系出自柱下。尊祖之風。形乎前典。頒告天下。無得而稱。令道士等處僧尼之上。奉以周旋。豈敢拒詔。尋老君垂範。治國治家。所佩服章。亦無改易。清虛卓志。與世不群。不立觀宇。不領門徒。處柱下以全真。隱龍德而養性。智者見之謂之智。愚者見之謂之愚。非魯司寇莫之能識。今之道士不遵其法。所著冠服。並是黃巾之餘。本非老君之裔。行三張之穢術。弄五千之妙門。反同張禹漫行章句。從漢魏已來。常以鬼道化於浮俗。妄託老君之後。實是左道之苗。若位在僧尼之上。誠恐涇渭同流。有損國化。若不陳奏。何以

表臣子之情。謹錄道經及漢魏諸史。佛先道後之事如左。伏願天慈。曲垂聽覽。其時表奏。帝遣中書侍郎岑文本。宣口勅云。語諸僧等。明詔既下。如也不伏。國有嚴科。法師飲氣吞聲。顧謂諸僧曰。帝在九重。聖顏難覩。縱欲牽衣折檻。亦乃無由。未若踵武。屈原栖遑草野。結蘭爲珮。清白自居焉。後十三年秋九月。有黃巾秦世英者。薄閑醜禁。粗解醫方。挾伎術以佞時。因得志於儲后。陰陳法師之論。言訕謗皇宗。毀黷先人。罪當調上。帝乃赫然斯怒。沙汰僧尼。勅遣緇徒。並依遺教。其法琳既訕謗朕之宗系。宜卽推繩。必也無辭。國有刑憲。而法師鼓騰毛羽。思奮雲霄。不待追徵。自之衛府。群寮承主上之意。勸刻法師。因禁朝廷繫之。縲紲司空毛明素。佇聆法師清閑。每常想見其人。既屬幽居。致詩於法師曰。治長倦縲紲。韓安歎死灰。始驗山中木。方知貴不材。法師辱素詩。而謝曰。貧道識性。攝味輒不自涯。狂簡斐然。上忤天聽。未能自殞。苟存餘息。而公賜垂清翫。琳寧緘默者哉。力拙課虛。謝之云爾。叔夜嗟幽憤。陳思苦黃射。在余今失候。枉與古人同。草深難見日。松迥易來風。因言得意者。誰復免窮通。毛明素矚法師詩。而驚異焉。請結三益。篤意二難。素曰。嗟乎。相知之晚也。冬十月癸亥。因興善寺大乘饋珍饌於法師。法師致書謝曰。辱資朝飧。虔誠跪受。非直光鮮玉液。仰伏香奪蘭芬。戢荷仰仁。恕之流滋。滋味輟虛羸之弊。幸甚幸甚。伏惟大衆動止。與時休泰也。琳實不才。叨鑒縲侶。方圓倚伏。無所自容。不能拔萃出群。卒致危身之敗。不能和光同淳。終罹無狀之辜。徒復擁膝長吟。慙魂吊影耳。是知哺糟歎醜者。則松柏之操。彌貞。漏泥揚波者。則蓮桂之芳。逾潔。至於琳也。復何人哉。素乏逢迎。未閑造謁。既延中士之謗。遂蹈下愚之迹。與夫衛足曳尾。何期爽歟。且達人無健羨之名。大道拘守雌之節。泉清井洩。能不惻然。方將晦影窮巖。銷聲幽谷。散誕白雲之際。優遊青松之下。朝窺慧苑。暮宿禪林。送此殘年。放情物外。茲願未允。耿介如何。但縲人思。撓辭殫理。寡粗因翰墨。申述鄙懷。而尺素易煩。寸心難盡也。冬十月丙申。勅遣刑部尚書劉德威。禮部侍郎令狐德芬。侍御史章惛。司空毛明素等。在州勘當。因問法師曰。落髮灰心。事宜恬靜。出家捨俗。須契無爲。理應屏跡。四禪。栖神六度。惣儒墨之糟粕。遵半滿之菁花。何乃放志九流。嬰心五典。廣引三教。叙治道之昇沈。備舉十王。標崇敬之優劣。或述佛道先後。時談釋李師資。廣顯十喻。九箴。盛辯氣爲道本。語信毀則儼然。交報論品。藻則歷爾衆書。道家之謬。僧何以知。奉佛歸心。全擬自取。仰具顯作論根。起習外返。邇儻也。無辭則罪人斯得。法師對曰。琳聞一切種智。号悉達多。歷塵劫而應生。

觀衆賢而遍學。或復示居外道。或復現作儒林。應同類而誘凡。隨異形而化物。然後稱無上士。号天中天。俯跡娑婆。教流沙界。或假安禪悟道。慧解開襟。致有說法度人神通。化物但以衆生緣悟種種不同。所以半教滿教。敷心一乘。三乘闡道。隨宜各解。意在茲乎。故佛令十二時中一時學外。欲使摧伏異黨。接引俗流。緣淺暨深。愛語同事。故內典通學論云。夫在天成象爲日月。而精異剛柔。在地成形作山川。而氣殊動靜。物既如此人亦如斯。所以首足之儀。方履圓戴。性情之用。陰慘陽舒。貴我有知在靈爲長。心行匪一。嗜欲不同。故以稟薄稟厚。愚賢自隔。罔念克念。狂聖是分。歧路交還。泣拔毛之未肯。絲色代變。悲摩頂之不恠。信乃利物多途。潤身異術。九流既派。百家競起。儒道禮樂。以九仙爲亂。神道事冲玄。以六經爲失德。刑名貴酷。縱橫尙辯。孔辭軍旅。劉溺儒冠。專門則鈍。由章句綴文。則過在輕薄。俗以內典類之。虛無僧以外書譬之。糠粃存小節。則弃方廣。習大道。則捨毗尼。慧士慊爲導福之尊。禪人許爲守智之藏。紛然異學。難可勝言。各適所宜。寧容不習。好同惡異。守迷莫返。其爲太息。良在於茲。罕語通方。一何寡識。豈若半文半質。兼俗兼真。歷覽群書。牢籠衆藝。唯有能仁。種智冠絕古今。遂有王舍野人。試以牧牛之祕。祇園梵志。驗以敷葉之奇。盛披貝多。固難詳也。所以童子善財。求知識而匪懈。長者耆域。志好學而斯通。諒亦無棄一塵。爲積德山之廣。不遺片水。聚成智海之大。迺有龍樹偉器。馬鳴碩德。弘道一時。傳芳千祀。若夫道安識藍田之鼎。法蘭辯昆明之灰。僧會辭氣清高。惠遠神彩灑落。斯並先風之領袖。後進之景行者也。豈唯方朔以多能擅譽。張華以博物著名而已哉。蓋聞赤鹽招不識之譏。白鷄起不知之誚。至有通人遍學。庶無斯耻。竊以德該內外。群邪憚風。而假蹤解窮。大小殊機。承景而傾向。必若小教未通。則慧品不足。外學有闕。則戒篇猶犯。是以巧飭文辭。本成四辯之德。妙閑聲韻。寔預五明之方。然則花嚴責於多聞。法花誠於親近。自省無執。頗異彼乎。不以媒銜爭名。矜伐當世。欲爲眞道之助。正覺之資耳。至如田君下坐之伎。尙可濟時。齊人小算之術。猶堪自致。而況琢磨文彩。祖述道德者也。既等金石。絲竹俱爲悅耳之音。橘柚櫝梨。皆是適口之味。高山之喻。初地難勝之順。世間固亦風流不墜。文在茲乎。庶令僧兼俗典。無頓廢於丘墳。儒知佛宗。不慢輕於戒定。故曰大士遍學。通人博聞。豈同孤陋之徒。守局促之懷者也。但琳所著辯正根起。有由往以武德四年仲冬之月。得清虛觀道士李仲卿所製十異九迷及劉進喜顯正等論。輕侮大聖。昏冒生靈。妄引典謨。飾非爲是。琳既慨其無識。念